

खास खबर

Headlines

- उपराज्यपाल मनोज सिन्हा होरें आक्खेआ ऐ जे नारी शक्ति गी पूरे इख्तेयार ते उंदा सशक्तिकरण जम्मू कश्मीर प्रशासन दी अव्वल तरजीह ऐ, साढ़ियां बच्चियां आकांक्षी समाज दे सुखने गी सच्च करने लेई नमियां कामयाबियां दर्ज करा करदियां न।
- उपराज्यपाल होरें लाल चौक श्रीनगर थमां सीआरपीएफ दी महिला बाइक एक्सपिडीशन “यशस्विनी” गी झंडी दस्सियै रवाना कीता।
- उपराज्यपाल मनोज सिन्हा होरें स्कूलें च मयारी पढ़ाई राएं इक जागृत ते ज्ञानवान समाज बनाने पर जोर दितता ते आक्खेआ जे विद्यार्थिएं गी कुल संसारी सतह पर हर चुनौती हर मकाबलेवाजी लेई तैआर करना लोडचदा।
- राजौरी जिले च ब्रोह आले जंगलै च छप्पे दे आतंकवादिएं गी तुपपी बाहर कड्डने लेई व्यापक अभियान जारी। एडीजीपी मुकेश सिंह होरें मौके पर जाइयै स्थिति दा जायजा लैता।

<><><><><><>

LG-Women

उपराज्यपाल मनोज सिन्हा होरें आक्खेआ जे जम्मू कश्मीर प्रशासन दी शीर्ष प्राथमिकता ते वचनबद्धता नारी शक्ति गी पूरे पराते इक हकूक ते सशक्त बनाना ऐ। उनें आक्खेआ जे साहड़ियां धियां, शैक्षिक, अनुसंधान, नमिएं काहडें ते बपार क्षेत्र च आकांक्षी समाज दे सुखने गी पूरा करने लेई सफलता अपने नां करा'रदियां न। नारी शक्ति केन्द्र शासत प्रदेश जम्मू कश्मीर दी विकास यात्रा च इक महत्वपूर्ण भूमका नभा'रदियां न ते कन्नै गै ओ विकसित भारत लेई मता योगदान देआ'रदियां न। श्री सिन्हा होरें आक्खेआ जे भविक्ख च नारी शक्ति माहनुएं दा मानै नै जीना ते समाजी बरोबरी गी जकीनी बनाग।

<><><><><><>

LG-CRPF

उपराज्यपाल मनोज सिन्हा होरें श्रीनगर दे एतिहासक लाल चौक थमां यशसविनी नां दे सीआरपीएफ महिला बाइक सरबंधी अभियान गी झंडी दस्सियै रवाना कीता। इस लेई 2 जहार 1 सौ 34 किलोमीटर कोला मते दा सफर तैह कीता जाग जिस 40 जिलें गी लंघदे होई गुजरात दे एकता नगर च 31 अक्टूबर गी नमें भारत गी किट्ठा करने आले सरदार वल्लभ भाई पटेल हुंदी जयंति उपपर उत्थें पुज्जगन। अपने संबोधन च उपराज्यपाल होरें सीआरपीएफ दिएं वीरांगनाएं दे मुश्कल हालात च देश दी एकता-अखंडता दी रक्षा करदे होई वीरता ते पक्क निश्चय गी सलाम कीता। इस अभियान गी सीआरपीएफ ते महिला ते बाल विकास मंत्रालय नै रलियै महिला शक्ति गी मनाने तांई आयोजित कीता। यात्रा दरान श्रीनगर, शिलांग ते कन्याकुमारी दिएं त्रैनें टीमां बेटी बचाओ, बेटी पढ़ाओ आले लक्ष्य आले किट्ठ जियां जे स्कूली बच्चें ते कालेज दियां कुड़ियां, महिला, आप मदादी किट्ठ, एनसीसी कैडेट, सीसीआई दे बच्चे, एनवाईकेएस मिंबरें ते किशोर कुड़ियां ते जागत आंगनवाड़ी कर्मी शामिल न।

<><><><><><>

IG-CRPF

श्रीनगर क्षेत्र दे सीआरपीएफ दे इंसपैक्टर जनरल अजय कुमार यादव होरें अज्ज आक्खेआ जे श्रीनगर शांतिपूर्ण ऐ ते इत्थें कोई आतंकवाद नेई ऐ। ओह् श्रीनगर थमां गुजरात च महिला सीआरपीएफ बाइकरें दे कार्यक्रम दे बक्ख बारे संवाददाताएं कन्नै गल्लबात करा'रदे हे। श्रीनगर च आतंकवाद दे सुआल उपपर आईजी सीआरपीएफ होरें आक्खेआ जे श्रीनगर च अज्ज इक महा कार्यक्रम दा आयोजन होआ, जेहड़ा जे आपू दस्सा'रदा ऐ जे जिला शांतिपूर्ण ऐ। उनें आक्खेआ जे कुत्थें बी नेया शांतिपूर्ण माहौल नेई होग।

<><><><><><>

Cyclist Girls

कश्मीर थमां लेइयै कन्याकुमारी तगर तगर 37 सौ किलोमीटर दा सफर तैह करने लेई श्रीनगर थमां चली दियां चार साइकल सुआर जिंदे च राजस्थान थमां 8एं ब'रे दी सानवी ते 9एं ब'रें दी रक्षिता चौधरी बी शामिल न, अज्ज उधमपुर पुज्जियां। इनें साइकल सुआरें अपनी यात्रा 30 सितम्बर गी शुरू कीती ही। इस यात्रा पिच्छे दा उंदा मकसद बेटी बचाओ बेटी पढ़ाओ दे बारे च लोकें गी जागरूक करना ऐ। एह साइकल सुआर बच्चियां ना शड़ा साइकल मते कठन रस्ते गी पार करा करदियां न सगुआं जिधरा बी एह लंघदियां न लोकें कन्नै मिलियै उनेंगी कुड़िएं दी शिक्षा दे महत्व बारे जागरूक करा करदियां न ते समाज च कुड़िएं ते जागतें बश्कार दी फर्कोफर्की गी खत्म करने च योगदान देने लेई नोजवानें गी प्रेरित करा करदियां न। इस साइकल दल दी अगुवाई 9एं ब'रे दी रक्षिता चौधरी करै करदी ऐ।

<><><><><><>

LG-Education

उपराज्यपाल मनोज सिन्हा होरें आक्खेआ जे ज्ञान भरोचे दा समाज बनाने लेई स्कूलें च सिक्खने राएं शैक्षणिक उत्पकृष्टता, इक बरोबर पुज्ज होनी लोडचदी ते विद्यार्थिएं गी वैश्विक मकाबलें बाजी लेई तैआर करना लोडचदा ऐ। श्रीनगर दे देवकी आर्या पुत्तरी पाठशाला दे स्थापन दिवस समारोह च शामिल होंदे होई उनें आक्खेआ जे राष्ट्र दी ताकत दा ज्ञान, संस्कृति ते मुलें—कदरें राएं पता लाया जाई सकदा ऐ। शैक्षणिक संस्थानें गी मानवी मुल्लें ज्ञान, समाजी बेदारी उप्पर ध्यान देना लोडचदा ऐ तां जे नोजवानें अपने भविक्ख गी सुआरी सकन। उपराज्यपाल होरें आक्खेआ जे प्रचीन भारत सिक्खने दा केन्द्र हा ते हुन समें आई गेदा ऐ जे प्रधानमंत्री नरेन्द्र मोदी हुंदी अगुवाई च विश्व गुरु दी थाहर गी फही पक्का कीता जाई सकै।

<><><><><><>

Hindi Event

आकाशवाणी ते दूरदर्शन रलियै पैहली बारी हिंदी माह दे महापर्व गी मना'रदा ऐ। पैहली सितम्बर थमां शुरू हिंदीमाह च आकाशवाणी ते दूरदर्शन चबक्ख—बक्ख मकाबलें दा आयोजन कीता गेआ। इंदे च निबंध, प्रतियोगिता, चिट्ठी लिखने, अनुवाद प्रतियोगिता ते होरने शामिल ऐ। दौनें थाहरें उप्पर एह मकाबले बक्खरे—बक्खरे रखे गे ते दौनें दफतरें च एमटीएस लेई बी बक्खरी प्रतियोगिता रखी गई ही। इस कार्यक्रम च जम्मू शैहरा दे मेयर श्री राजेन्द्र शर्मा, मुख्ख परौहने हे ते शास्त्री शिक्षा निकेतन हाइ स्कूल दे प्रिंसिपल श्री सुमेश डमराल, डीडीजी (ई) रविकांत बाबू, दूरदर्शन दे उपमहानिदेशक श्री शैलेश कुमार शुक्ला ते आकाशवाणी दे उपमहानिदेशक श्री सुनील कुमार चक्कू बी उत्थें मजूद हे।

<><><><><><>

Search-Kalakot

राजौरी जिले दे ब्रोह इलाके च छप्पे दे आतंकवादिएं गी तुप्पी बाहर कड्डने लेई शुरू कीता गेदा व्यापक तुपाई अभियान अजें बी जारी ऐ। फौज दे इक अफसर नै जानकारी दित्ती ऐ जे इलाके च किश बे—पुंछानू लोकें दी संदिग्ध नकलो हरकत बारे इक खूफिया जानकारी थोने परैत भारतीय फौज ते जम्मू कश्मीर पुलसै इक सांझा अभियान राजौरी जिले दे कालाकोट इलाके च ब्रोह आले जंगली इलाकें च शुरू कीता। आतंकवादिएं दी मजूदगी बारे सटीक पता लाने लेई सांइसी तकनीकें दा बी इस्तेमाल कीता जा करदा ऐ ते तुपाई अभियान अजें बी जारी ऐ। अतिरिक्त पुलस महानिदेशक मुकेश सिंह ते फौज दे बड्डे अफसरें बी उत्थें पुज्जियै जारी अभियान ते मजूदा स्थिति दा जायजा लैता। फौज ते पुलस दे सांझे दल नै ब्रोह ते सूम दौनें जंगली इलाकें गी घेरी लैते दा ऐ। घेरा त्रोडने लेई छप्पे दे आतंकवादिएं सुरक्षा बलें पर गोलीबारी बी कीती जेहदा बनकदा परता दित्ता गेआ। होर जानकारी गी बलगेआ जा करदा ऐ।

<><><><><><>

IAF Border

एयर चीफ मार्शल वी.आर.चौधरी होरें आक्खेआ जे भारत खूफिया अजेंसिएं, निगरानी ते फौजी प्रशिक्षण राएं बन्ने उप्पर हालात दी लगातार तक्क रख'रदी ऐ। उनें आक्खेआ जे मुखे दे अभियान सरबंधी योजना शानदार ऐ ते हालात दे आधार उप्पर बदलदे रौहदे न। नमीं दिल्ली च अज्ज मीडिया गी जानकारी दिंदे होई श्री चौधरी होरें आक्खेआ जे भारतीय ब्हाई फौज कोल शानदार ते लचीली युद्ध सरबंधी योजना ऐ।

<><><><><><>

Poonch-MMMD

मुख भरै च चलाए जा'रदे "मेरी माटी मेरा देश" अभियान दे तैहत भारत सरकार दे उत्तर जोन सांस्कृतिक केन्द्र पटिआला पास्सेआ जम्मू कश्मीर दे पुंछ जिले च अज्जै थमां 5 नुक्कड़ नाटके दे मंचन दी शुरूआत कीती गई। एह नुक्कड़ नाटक "मेरी माटी मेरा देश" दे विषय सार पर केन्द्रित न। ग्रामीण विकास मैहकमे दे सैह्याग कन्ने आयोजित इस कार्यक्रम, जेहदा सरिस्ता दूर दरेडै सरहदी ग्रां खारी करमाड़ा च कीता गेआ, च जिला विकास काउंसल पुंछ दे मिंबर चौधरी गनी मुख परौहने हे जिसलै जे प्रोग्राम दी सदरत ब्लाक विकास काउंसल दे अध्यक्ष जमील अहमद होरें कीती। कार्यक्रम दे बाद इस इलाके थमां कलशै च उत्थूं दी मिट्टी किट्टी कीती गई जिसी अमृत वाटिका च इस्तेमाल करने लेई नमीं दिल्ली भेजी दित्ता गेआ।

<><><><><><>

Earth Quake

राजधानी दिल्ली समेत उत्तर भारत दे केई सारे हिस्सें च दऊं भूचालें दे झटके मसूस कीते गे। नेपाल च आए दे इनें भूचाले दी तीव्रता रिक्टकर पैमाने पर 4.6 ते 6.2 नापी गई ऐ। भूचाले दा केन्द्र नेपाल च जिमीं कोला 5 किलोमीटर हेठ हा। पैहला भूचाल दिन 2 बज्जियै 25एं मिंटे पर ते दूआ 2 बज्जियै 51 मिंटे पर आया। उआं इंदे करी फिलहाल कुसै जानी जां माली नुक्सान दी कोई जानकारी नेई ऐ।

<><><><><><>

Horticulture Museum(byte)

जम्मू दे तलाब तिल्लो इलाके च बनाया गेदा बागवानी म्यूजियम करसानें ते बागवानें लेई ज्ञान ते जानकारी दा इक बड्डा भंडार ऐ। इत्थें राई-बाई ते बागवानी दे नमें ढंग सरिस्ते बारे जानकारी दित्ती जा'रदी ऐ। जम्मू दे बागवानी विकास अधिकारी डॉ. नजरान खान होरें आक्खेआ जे इत्थें कटबंधीय ते टैम्प्रेट क्षेत्रें च उगाए जाने आले

फलदार बूहटे पौधे बारे बी जानकारी हासल कीती जाई सकदी ऐ ते इस म्यूजियम च 40 कोला मतिएं बनगिएं दी रड़ कीती गेदी ऐ। इत्थें ब'रे च दऊं बारी फल देने आले फल बी ऐन। करसान इस म्यूजियम गी लेइयै मते खुश न.....बाईट

<><><><><><>

Basti Sampark

समाज दे कमजोर तबकें दे लोकें तोड़ी पुज्जियै उनेंगी पिछले 9एं ब'रे दरान प्रधानमंत्री नरेन्द्र मोदी हुंदे आस्सेआ कीते गेदे कम्में बारे दस्सने लेई शुरू कीते गेदे "बस्ती संपर्क अभियान" दे तैहत राज्य सभा दे मिंबर इंजीनियर गुलाम अली खटाना होरें भाजपा दे होर केई लीडरें कन्नै जम्मू दे नरवाल बाला, भठिंडी, मलिक मार्किट, नोवाबाद ते सगड़ी मोहल्ले च 5 बक्ख-बक्ख कार्यक्रमें च शिरकत कीती। इस मौके बोलदे होई खटाना होरें आक्खेआ जम्मू कश्मीर च अनुसूचित जन जातीएं ते महिलाएं लेई सियासी आरक्षण मोदी सरकार आस्सेआ लैते गेदे बेमसाल फैसले न जिंदे नै मुख्य भरै च क्रांतिकारी बदलाव औग। उनें सरकार आस्सेआ समाज दे कमजोर ते पिछड़े वर्गें दी भलाई बेहतरी लेई शुरू कीती गेदिएं स्कीमें बारे बी लोकें गी दस्सेआ दसाया।

<><><><><><>

JMC-Campaign

"इमानदार जम्मू कश्मीर ते शानदार जम्मू कश्मीर" अभियान दा प्रचार करने लेई जम्मू नगर निगम बक्ख-बक्ख तालीमी इदारे च जाई जाइयै इस बारे जागरूकता फैला करदा ऐ। जम्मू दे सरकारी एम.ए.एम कालेज च टीचरें ते विद्यार्थिएं गी संबोधत करदे होई निगम दे मेयर राजिन्दर शर्मा होरें आक्खेआ जम्मू नगर निगम मुख्खै दा पैहलस ऐसा नगर निगम ऐ जिन्ने सदन च कापोरेटरें दी घट्टोघट्ट योग्यता ग्रैजुएट रखने दा फैसला लैता ऐ। इमानदार जम्मू कश्मीर शानदार जम्मू कश्मीर अभियान दी शुरूआत करदे होई मेयर राजिन्दर शर्मा होरें आक्खेआ जे असेंगी समाज दे सब्बने वर्गें दे सैहयोग दी लोड़ ऐ इस करियै अस कालेजें ते यूनिवर्सिटिएं दे विद्यार्थिएं गी बी शामिल करने आं। उनें आक्खेआ जे साढ़े नोजवान समाज च बड़डे सुधार आन्नी सकदे न ते औंदे चुनाएं च कोई पैसे जां रसूख दा इस्तेमाल नेई करै एहदी बी पक्की बवस्था कीती जानी लोड़चदी।

<><><><><><>